

魏叔子文集外篇

雜問序

魏叔子先生教授生徒。以史鑑之可疑難處之事。課業諸生。積爲雜問一卷。余讀而喜之。以爲造士之法。此其一端也。代爲之刻。以公諸學者。蓋事不師古。不足用。今然不能干古人之可疑者。推究而發揮之。則其是非與所以成敗之故。隱約而不明。游移而不確。他日措之事業。必不能盡其用。洪武初。鄉會試。四書疑一道。最得古者考言之意。蓋策問之體。可施于四書。而況史鑑之事乎。士不尚實學。雖日襲誠意正心。

之言何補於治亂。其流益下。試策所問對與帖括無異。欲求真才。豈可得哉。古歛後學。閔本貞撰。

雜問引

語曰信而好古、讀古人書、不疑不足以信也。予不敢
廢已所疑、以信古人、尤不敢自信其疑、于是擬爲題
目、與同學者考難焉。或一事爲一篇、或數事爲一篇。
又或考以時事、所宜興革、非有義例可歸、年代先後
可次、曰雜問。

魏禧自識

蘇子文集外篇雜問目

第十九卷

雜問一

雜問二

雜問三

雜問四

雜問五

雜問六

雜問七

雜問八

雜問九

雜問十

雜問十一

雜問十二

雜問十三

雜問十四

雜問十五

雜問十六

雜問十七

雜問十八

雜問十九

雜問二十

雜問二十一

魏叔子文集外篇卷之十九

雜問

○ 雜問一

昔武王克商，旌善人，舉逸民，天下之賢有德者無微不錄。而伯夷、叔齊餓于首陽之下，意者夷、齊入山，惟恐不深。武王雖欲求之，不可得。然二子蹈義讓國，當時屬耳目，久非區區不可指數之人也。且夫就之不可得，而多端以求之者，光武之於子陵是也。求之終不可得，而旌善志過者，晉文公之於介山，推是也。豈

武王而不及此。或曰：聖人善成人之志，非如後世僞禮焉。以干譽者，天下之道有並行之而害，有並行之而不害。退全君臣之義，進成救民之功。此並行而害者也。下充厲以守其高，上遂良顯忠以勸其善。此並行而不害者也。且夫徒欲成人之志而已，則比干必不受周封于地下。孔子曰：斯民也，三代之所以直道而行也。又曰：伯夷、叔齊餓于首陽之下，民到于今稱之。此豈其有微辭耶？

○ 雜問二

西宮之難盜殺子駟子國于是子西聞盜不做而出尸而追盜盜入于北宮乃歸授甲臣妾多逃器用多喪子產聞盜爲門者庀群司閉府庫完守備成列而後出兵車十七乘尸而攻盜盡殺之君子是以多子產之能聞之感莫大于親喪死莫甚于盜死子西倉皇急遽之情孝子之所用心也臣妾器用此何暇以爲計者而皇皇焉庇其群司使閉府庫而完守備情不已泰乎子駟旣死子孔當國爲載書以位序聽政

辟大夫諸司門子弗順將誅之子產止之焚書于倉
門之外衆而後定方子產之請焚書也子孔不可曰
衆怒而焚之是衆爲政也國不亦難乎公孫鞅治秦
令下言不便者以千數行之一年鄉邑大治秦民初
言令不便者有來言令便鞅曰此亂法之民也盡遷
之于邊其後民莫敢議令上立法而下不順吾又因
以焚書則毀法以求悅于衆者惟日而不足也子產
曰衆怒難犯專欲難成靖國之至計每出諸此然禘
衣冠伍田疇鄭人怨怒欲殺至于形之謳歌播之道

賂而子產不爲少恤何與

○ 雜問三

衛鞅申不害皆好刑名之學其富國強兵立功名于韓秦者同然申子相國十五年考終無害而鞅至滅族彼其學有不同抑所以用者異耶吳起相楚捐不急之費廢公族疏遠者以撫養戰士故能平百越却晉伐秦衛鞅刑公子虔黥太子之師然後秦人趨令彼二子所以成大功于國者蓋貴戚大臣無所辟忌法在必行故也然卒皆坐此不得其死夫治國之道恩必逮于所疎威必先于貴近二子不強國則已誠

欲強國則舍此道無由然則國之與身固有不能交善者子產相鄭鄭之民欲殺之及其死而歌思之不衰是遵何道與

丘邦士曰直體中有層次而其氣愈勁

○ 雜問四

漢陳湯矯制攻康居斬郅支伸威萬里之外而丞相
匡衡阻其封當時劉向谷永耿育皆上書訟之後人
莫不罪衡脅儒媚嫉爲萬世詬厲唐突厥默啜自則
天世爲中國患朝廷旰食傾天下之力不能克及顏
質略斬其首以歸唐使郝靈荃與偕詣闕靈荃自謂
不世之功矣時宋璟爲相以天子好武功恐好事者
競生心微倖痛抑其賞逾年始授郎將靈荃至慟哭
而死說者謂璟爲賢相見始而知終明皇卒以黷武

致大亂何其智之明也。然則璩與衡之議同與異與。或曰靈荃因人以爲功，授以郎將，非抑之也。夫靈荃因人與湯之矯制，蓋亦略相當矣。劉向之訟湯，曰常惠隨欲擊之，烏孫鄭吉迎自來之日，逐皆裂土受賞。則逾年而授郎將，得毋過乎。且夫能使質略以首誦闕其後，諸部來降，則亦不可謂非靈荃功也。唐曆載靈荃引特勒回紇部落，斬默啜于壽藥河，而通鑑采舊傳云奉使會得之二說者，又宜奚從。

○○雜問五

君子耻獨爲君子而小人則欲人之共爲小人于此有屈身而分謗者則天下競高之是以郤克子罕之行極稱于後世鞏之戰郤克將中軍韓厥將斬人克馳救之至則旣斬矣郤子使速以徇曰吾以分謗也夫罪可殺則救爲奸法不可殺則厥之斬之爲非知其非以爲無及而使重之是一屈終不可復伸也故自分謗之說行後世士大夫同聲相和至有逢迎貴倖先事殺人以徼其指者且夫大臣體國務相濟以

成○治○無○務○乎○小○忠○曲○謹○以○自○辟○其○名○蓋○非○苟○安○其○身○
而○已○吾○大○得○民○之○心○則○雖○有○決○裂○吾○得○以○身○持○之○而○
不○至○成○瓦○解○之○勢○宋○皇○國○父○爲○平○王○築○臺○妨○于○農○收○
司○城○子○罕○請○俟○農○功○之○畢○築○者○于○是○爲○澤○門○之○謳○子○
罕○聞○之○親○執○朴○以○扶○其○不○勉○謳○者○乃○止○或○問○其○故○子○
罕○曰○宋○國○區○區○而○有○詛○有○祝○禍○之○本○也○此○亦○分○謗○之○
事○也○

○ 雜問七

魯隱公之仁其弟與宋宣同。宋無先君之命，故隱之讓義于宣。說者以爲失在成先君之邪志，或曰不早授焉，而及于難。夫桓方少年，及壯而授之，未爲失。雖瀕死以命可也。且夫執簡而讓其後，謂之邪志，爲之子者則否。昔孤竹君傳國叔齊，太王欲以授季歷，二伯皆委國而逃之。君子以爲賢，何耶？吾聞常斷不漸，反受其亂。鄭忽爲太子，惡高渠彌，卽位而不能去。卒見弒，後世病之。夫爲太子惡人爲君，而必殺之，可

去之是理也
不殺反在後殃

謂人君之度乎。故隱當誅。羣而忽。未可以殺渠彌。晉
文公反國。舍寺人披。里鳧須之罪。夷吾殺慶鄭。而後
入。識者謂興亡成敗之機。顧見于此。忽之始立。遂于
祭仲矣。爲人君不克自強。而深疑小苛。殺其臣以除
未然之患。吾恐陞戰之內。皆敵國矣。然則論忽者。必
先論高渠彌之罪。而後可也。

○○雜問八

漢光武爲蕭王時破銅馬諸賊降者不自安光武乃勅令歸營勒兵自乘輕騎按行部陳降者更相語曰蕭王推赤心置人腹中安得不投死乎然元之察罕卒以此敗察罕爲降人田豐王士誠紹請行營輕騎赴之以示至誠因爲所刺後世惜之嘗觀羊祜鎮襄陽身不披甲鈴閣之下侍衛不過數十人以彼二帥交歡遺酒饋藥不設防檢固其所宜唐魏川總管川留安擊劉黑闥亦令白事者直入臥內當是時山東

豪傑多殺長吏。以應黑闥。上下相猜。留安獨坦然。无
疑。而吏民願效死力報之。則何也。太祖擒陳兆先。
降其衆。擇驍勇者。置麾下。降人疑懼。上乃令入宿衛。
環上而寢。悉屏舊人于外。其事殆危于光武。光武時。
岑彭來歙爲大將。迺並爲賊。刺至張疑。引之以戒。費
禴。其得失安在。吳元濟殺武元衡。擊傷裴度。費禴
沉愛不疑。待新附太過。遂爲魏降人。郭循所殺。其失
皆疎而無備。然則商君關戰旁車。李林甫先驅百步。
固恃力者亡。而孝文遷鄴。畢給刀兵。亦所稱有備先。

患耶

弟和公日文陣如降蹶穿花只是一徑乃覺情緒
紛然

○ ○ 雜問九

衛獻公子叔之難遽伯玉聞其謀也再從近關出後世莫不嘉伯玉之賢人臣事君不幸而遇變死其義可也變未作而匡救之于其先不可而先事以去猶不失夫詩所稱明哲保身易稱肥遯之義焉今聞難而出以速規於越境其可乎董狐書趙盾弑其君而讓宣子曰亡不越境反不討賊宣子受之孔子聞之曰惜也越境乃免是則越境之義重矣孔子嘗稱伯玉之賢有道則仕無道則卷而懷之殆幾幾乎用行

舍藏者近關之出孔子必無譏焉蓋聞變莫大于殺
逐事莫易于速行術莫全于兩利以極易行之事當
莫大之變始不受禍終不任責而收甚全之利則明
哲者可按戶而得也何以正告天下後世之爲人臣
者諸君子其斷之以義而姑無惑夫蘧伯玉孔子童
狐之名

弟和公曰千古大議論

○ 雜問十

趙文子請歸烏餘之侵邑使胥梁帶治之帶僞封烏餘而陰召諸侯執之而歸其地帶果能無用師矣是舉也文子之義也以義舉之而以詐濟之其可乎其後猶有烏餘其人若之何濟之以詐是不義也以不義服不義不義必不服將用師而正其罪其可乎晉國之民勞矣舍易圖之功而迂其道焉以出于不可必勝之事而重困其民殆必不可且夫以朝會之禮致烏餘數而執之以歸諸侯之地其可乎

涂宜振日文折而勁

○ 雜問十一

文帝既卽位遂誅少帝諸王子于邸儒者之言曰甚矣帝忍于誅殺也當時以爲呂后假宮人子其說特出于諸大臣非有斷然見其非惠帝子者書曰赤子匍匐將入井非赤子之罪彼少帝王子何罪而誅之不疑若此或曰少帝王子不誅必將有構之而生亂孝武旣殺戾太子其後奸人猶乘之以亂朝廷況名爲惠帝子已久而儼然固已爲帝王者是故以勢言則誅之便以理言則不誅爲無失理不足以勝勢然

理者較然在于目前而勢在數年數十年之後與或
然或不然者是則理與勢交勝也孝文平勃諸人何
以處此

雜問十二

虛名之士無益于人國然處之失宜足生人心魏道
武以桑樵之慢殺崔逞而司馬休之等遂中道去道
武悔之自是不輕殺士石勒本胡人不識字孔萇勸
之殺王衍諸人勸以爲要不可加鋒刃于是使人排
牆夜殺之蓋亦有見于此宋太宗旣平江南名士失
職者多怨讟乃以豐食美衣養之禁籞使撰廣記御
覽後世稱爲得御士之道然太公戮華士孔子誅閭
人而齊魯大治者又遵何道與漢昭烈不殺劉巴曹

操送彌衡于劉表英雄所見大抵畧同豈治亂與治平異勢抑王霸之畧不同道或抑自有故也

溫伯芳曰太公之于華士孔子之于聞人蓋其人足以禍世而亂天下之治非僅僅月旦所推鄉國之秀爲時所指名者故收召名士自不爲過孔明不去許靖乃安蜀元帝之禮賀顧乃克興于江左也

、雜問十三

君者臣之天父者子之天夫者婦之天天不可逃則
君父夫不可得背此三者並尊而無殺也雍糾欲殺
祭仲而糾妻漏之盧蒲癸欲殺慶舍而癸妻成之楚
王欲殺子南而棄疾秘之或告父以殺夫或順君以
殺父或殺父以助夫此其義皆不可以安且夫欲殺
人父而與其子謀糾癸楚子之失不必辨其爲之妻
與其子者則奈何

○ 雜問十四

吾于宋之盟三有疑焉。趙文子患楚衷甲。叔向曰合諸侯之卿以爲不信。必不捷。吾因宋以守病。宋必致死。又曰弭兵以召諸侯而稱兵以害我。吾庸多矣。當是時使楚無伯州犁之諫。則文子叔向必虜。卒然劫我于壇坫之上。此與兩軍持戰者不同。宋蓋不足恃也。晉卿爲虜則敗國。又非獨身亢難效一人之節者比矣。叔向之言理則是。而勢則非也。晉楚爭先叔向勸文子先楚。文子不從。盟必不成。合十數國之諸侯。

大夫將成而解向戌何以處之。于是戌奔走晉楚間道達意言僕僕矣而不先定尸盟之人意。則善而慮則疎也。向戌請賞宋公與之邑六十。子罕削而投之。向戌辭邑。其言曰：小國畏大國之威而後能安靖其國家。無威則驕驕則亂。亡隨之兵之設久矣。而求去之。是以誣道蔽諸侯也。縱無大討敢求賞乎。且夫晉楚構兵。小國惴惴。朝不及夕。使得休數月。民亦幸矣。況戌欲弭兵。非析甲裂車銷兵而墮軍實也。使戌以此難于罕。子罕必窮義則正而辭則終也。然則爲文

子者當如何召向戌而語之使告子木曰諸侯苦晉
楚久盟而弭兵諸侯必順是故以藩爲軍交相信也
今或來告曰楚人衷甲武懼背大信而不敢備且夫
今日之事諸侯所以觀晉楚也不信必叛武聞之棄
信者不勝守信者不敗圖不勝之功以叛諸侯楚必
不然雖然武有聞不敢不告也如此吾意楚人必不
敢動而戌必以死請于楚戌當如何許盟之始卽請
于晉楚以定之晉楚爭先而莫適定則爲二器以欺
于庭晉楚與其從各相欺也旣而各率其從以交相

歎。若。曰。先。齊。其。內。而。後。和。其。外。此。禮。以。義。起。也。爲。子
罕。當。何。如。謂。向。戌。曰。弭。兵。以。利。國。也。今。受。賞。是。罷。國
而。以。自。封。也。且。晉。楚。無。信。兵。必。不。弭。弭。兵。而。賞。則。兵
動。而。誅。微。子。誰。任。其。咎。如。此。則。向。氏。必。無。辭。矣。願。以
質。之。

丘邦士曰各見冰叔處事極有方法處是極緊手
穩手人

○○雜問十五

楚漢之相持也。漢王數瀕于死。非謀不善。力不敵也。獨其在彭城。有取死之道。漢襲破彭城。羽之精銳未。怒也。曰。飲酒高會。若無羽。然羽必憤而攻漢。漢必不。支。此與魯良諫處咸陽宮時。勞更殆甚。當時諸能臣。智士。曾不出一言諍。懾之何說也。彭城既敗。漢王馳入趙壁。奪信耳軍。夫我方大危。僅以身免。而托于人。又無故而奪人軍。能保信耳不叛乎。是時漢之勢。十。一二不及趙。信耳叛之易也。漢文帝勞細柳軍。雖天。

子不得入。今稱漢使入臥內竊兵符而二將不知此
與。灞上棘門兒戲何異。信之襲破齊歷下也。酈生烹
死吾以爲不破齊則齊或乘隙而吾叛破之則天下
無復嚮風慕義將必攻而後降城戰而後畧地是以
一齊之逸易百齊之勞也。陳恢之說漢王子房乘懈
而破燒關二說者交得無害果何道而可耶。楚漢之
交武涉蒯徹欲參分天下使信自王信苟聽用其勢
果足以背漢而自立否乎。蒯徹曰張耳陳餘爲刎頸
交卒相禽滅今君以爲漢王終不危已過矣卒之其

言大驗則涉微之說未必非也。人情有初而詳終然耳。餘皆賢者何以出此。蒯徹以爲患生于多欲。然與二子之罪其以不救耳爲餘愆也。或在泚水之役也。韓信百戰戮力以興漢業。無罪誅滅。至今讀其對武涉。勦徹數語不禁太息。泓然涕下。此自信之義。帝之尤不仁。然其所以取死者。抑有道與其天也。與否也。丘邦士曰。疑古人破綻處。彭城一段甚高。餘亦各是一段論頭。○各項事散碎不屬。却或以人或以事。暗作線索。意不屬而文却相屬。亦是一奇。

○○○雜問十六

昔胥午伏樂盈而觴曲沃人樂作午言曰今也得樂
孺子何如爵行又言衆皆泣願爲之死於是出逆行
拜之天午之不愛死久矣衆志不順則言出口而禍
已及盈故先爲無定之詞以探衆人之志嘗觀古人
舉大事有卒然挾以不得不從之勢者若田乞之立
公子陽生是也○先○突○出○厥○心○第○與○午○並○論○文○格○變○化○要○有○主○之○斷○是○最○得○力○處有婉探衆志既順而後誦言之者若
胥午之伏樂盈是也且夫乞以囊盛陽生闖然而出
之豆觴之間錯○出○周○時周勃誅呂氏號於軍中日爲劉氏者左

祖當此之時衆志未有定也諸大夫不肯立陽生軍
中不左袒則乞勃無遺種矣數子者且孰得而孰失
與秦漢之際暴起者如沸湯然陳涉起大澤假丹書
又出陳涉起大澤假丹書
神狐之異與吳廣密謀深計相顧而不敢輕發項梁
使籍斬會稽太守咄嗟而定之是二者又何道也

門人賴韋日事機兩是處最要分辨得的確明得
古人不同處所以然之故篇中發難皆中要害○
文共五古人須看賓主錯出而不混處取格最巧
最古如胥田是主陳項是賓賓主間錯出馬勃却

又以乞勃對發而結以數子者勃視胥田則爲賓
視陳項則爲主矣胥田是主却不對講前段胥後
段田中間却又作對然通篇大意又是以胥爲主
則胥乃主中之主對者却要田上發得精神則
田又是對中之主矣

○ 雜問十七

旱之致荒荒之召亂。理勢易見。然旱者屬天。不可爲也。故湯之犧牲。七年乃禱。宣之圭璧。久而未應。荒者天人之間。故救荒有策。亂者屬人。故弭亂有道。然旱而不荒。荒而不亂。古亦有之。其何道之從也。夫弭亂者。貴絕其本而去其枝葉。今天道久亢。荒形已見。有識之士。宜慮亂本。而邊海流民。填村塞市。至者日衆。倘所謂枝葉者。不足慮。與吾聞禁人吾人。閩獨非民哉。驅而遠之。爲不仁。又或激以生亂。迺若荒勢大成。

饑民思動、轉相煽誘、枝本蕃生、則彼蔓草、不可除者、
得無有在、諸生無民社之責、而有身家之任、詩曰、莫
肯念亂、誰無父母、其亦代庖而熟思之。

○ 雜問十八

武王克商。戢干戈。放馬牛。後世天下既定。必議銷兵之策。蓋兵者凶器。其人皆不仁之人也。聚不仁之人。搽凶器於太平無事之日。其不爲民害者鮮矣。且兵之初起。因糧於敵。不患無食。攻城掠邑。不患無賞。今大難旣夷。而兵不銷。則竭天下之餉。不足餉天下之兵。夫餉虧則兵怨。加斂于民。則民怨。不得已而議銷兵。彼百萬凶器不仁之人。將安歸乎。考之于古。華於今。果何道而可。

○ 雜問十九

才有大小地有衝僻事有繁簡小才任衝繁則事不理大才任簡僻則才有餘有餘者負才不理者負事外吏自監司郡守縣令之屬其數至多吏部雖慎考而選之但能較其俸薦資格欲使人與地宜才足配事難矣議者以總河更調監司之疏推于各省令督撫察人地之不稱者題請調補調補不得人者督撫一并議察保無有交賄賂徇干請以惡地苦職調所惡美地善職調所愛者然其意願爲近古漢世內外

官皆得辟吏而唐陸贄建言請令臺省長官自舉所屬後考不稱坐舉者以爲今日臺省長官卽他日宰相安有爲臺省不能舉一二屬吏居宰相能擇千百僚者儻欲以更調之法推爲辟屬以臺省之例推之督撫及內外長官其法爲可行矣夫一法立一弊生雖聖人不能使有利無弊今此之弊于何極救其弊者何法語曰擇利莫若重其悉思以對

○○雜問二十

明興三途並用不廢吏員況鍾蔚能陳信之徒厥有
成效若漢法以椽吏立功名起爲公卿則不可數矣
今之議者進吏員則曰明法練事賢于書生黜吏員
則曰無詩書禮義養其心而專事舞文巧法以桀黠
得官其何不害百姓也識者以爲漢吏率用士人以
詩書禮義之徒兼明法練事之學故雖爲公卿立功
名無足異者今宜倣古使孝廉明經茂才皆得補六
部督撫郡縣之吏優其禮文開以仕路則大小吏莫

不重廉耻。惜功名不肯因緣爲好。是豈獨收他日吏員之用。九卿督撫守令亦得藉以寡過。使其說可行。法必若何。而其條議以對。

○ 雜問二十一

成周財賦出入之權主于太府漢之計相唐之判度
支宋改三司爲總計司皆專筭錢糧蓋權統于一則
盈縮消長可通計定量入爲出之經近者四部二寺
入則俱爲取盈出則俱爲支給是以戶部嘗憂缺乏
而別部寺嘗居有餘故議者欲使錢糧一歸戶部凡
吏部添官兵部添兵禮部議典禮工部議營造皆與
戶部酌議行止則出入相準而有无不至偏重法至
善也然四部二寺所以各爲出納者有故錢糧總歸

戶部各部寺輕于議支。戶部重于議出。以至朝廷大故。動多掣肘。因而誤事。故不得不分屬之。今議分。則頭緒多出。納不相準。議合。則支應不如意。誤事失期。在所不免。二法果當以何爲斷。抑何以收其利。去其弊也。議者又謂兵餉缺額多。以虛數搭撥。宜令戶部所入錢糧先足。兵餉次聽。各部寺請用。則莫若令各省直先扣給兵餉。餘者起解。然天下兵數多。若必足給。而後解。正供無幾矣。缺正供。非策也。設兵而饑寒窮苦之。尤非策也。是必有道。

丘邦士曰戶部主臨出入裁決之宜者耳其他經費主國政者自有經制經制卽有變更又須別有國是此不在專歸戶部內論是非者也

四六序

魏叔子先生著書百卷多行於世大江南北習古文
辭期於可傳者必以叔子爲宗余門人秦子揆一爲
人亢爽喜文章旣摹印叔子所板刻文數千冊歸貽
秦中諸友一日過其寓樓檢諸笥得所爲四六一冊
賦三篇顧謂叔子曰先生旣以文公海內斯獨不可
示人乎叔子笑曰駢麗之文文之日趨下者也而詞
賦吾且無端家之學其何足示人時余方在坐取而
讀之流麗動宕往多思理一洗風雲月露之習而鏗

然金石聲流几席間者不待終篇已然矣至其賦工
比興則騷雅遺音也豈日雕蟲之技哉秦子曰禹穴
之書無能終秘吾將代授梓人可乎余曰可越數日
而工告竣乃爲之序涇陽同學弟楊斂芳撰

四六引

予生不腦滿又無記函之法腹笥單貧不能作四六
與會偶至間一作之命題程篇則曳白矣故生平僅
十餘作吾伯子少工是日可數十篇予嘗得習而論
之宗盧駱之整麗天趣索然者非也口實歐蘇文其
簡陋亦非也經以駢驪之妙辭緯以古文之機軸庶
幾是矣然氣不矜貴度不雅令有匠工焉故曰雕蟲
小技也亦有道存焉爾

魏禧自識

魏叔子文集外篇四六目

第二十卷

勺庭間居序

告關帝文

林夏叔歸翠微山序

告玄帝文

禮斗表

蠲通帖

賀羅翁六十又一

復蘇平叔

代從弟祈斗祠

賀李道生五十

代祈斗詞

賀沈崑銅五十

賀丘先生六十又一

爲丘而康冠石造屋啟

魏叔子文集

卷五十一

賀萬令君箋

魏叔子文集外篇卷之二十

四六

寧都魏禧冰叔著 諸子世傑典士編次

○○○勺庭閒居敘

余以荐瘵僑于翠微乃營昌丘物土作屋叠石阻池
命曰勺庭志小也夫街葉之鳥蔽身飲河之鼠滿腹
吾多乎哉閒居無營聊著篇章其辭曰嗚呼物有盛
而取衰亦有廢而得全是以子休寓夢于櫟社茂先
託賦于相風抗念盛時頗懷壯志天下爲任蜘蛛之

隱。硜。硜。一。級。未。虛。麒。麟。之。植。彼。彼。何。期。人。道。漸。滅。天。
步。艱。難。秉。軸。懷。乎。二。心。專。城。持。乎。兩。面。同。類。相。忌。恒。
憎。烏。而。愛。狐。貞。士。見。疑。孰。喜。鴉。而。惡。鵲。譬。之。蟲。有。兩。
口。爭。食。嚙。身。鳥。生。九。頭。競。飛。折。翼。但。欲。一。身。乾。沒。何。
知。九。廟。陸。沉。秦。郊。轉。其。轄。車。魯。市。盈。其。鬢。髮。四。方。反。
側。難。傾。華。平。之。花。三。族。凋。零。莫。避。西。州。之。路。某。位。當。
中。男。才。木。下。駟。慚。根。矩。于。龍。腹。比。弘。讓。之。蜂。腰。時。過。
中。而。無。成。年。未。強。而。已。艾。恩。啣。百。歲。徒。懷。蟣。蠅。之。心。
轍。當。九。達。自。笑。螻。蟻。之。臂。若。使。奮。其。強。項。責。以。仔。肩。

是所謂白鳥抗首而負山，玄駒躡足而馳河，豈有濟乎。爾乃托業衣書，棲身充隱，似乎遺世，類蓋萊之潛青，非敢絕人。若沙箸之遽縮，門規十步之沼屋，結于仞之岡，疏待女于軒南，樹宜男于堂北，爰植桃李，成蹊不言，亦有蒲楊，望秋未落，倚白閒以玄論，仰碧落而題箋。內史叫兮山椒少，卿唵兮水齋。磚移花影，晨澆東坡之書，榻轉樹陰，午攤太白之飯，閉戶卽成突厦，舉簾遂若涼臺，大意可觀。謝書厨于百事有爲而作辭，詩窖于萬篇或懸，釜而憂乾，餼時下，帷以資束。

脯王帛心織賈粟舌耕家無造業之錢口絕嗟來之
食則有時當令序載值嘉辰庭戶幽陰閒花依主風
日清美山鳥迎賓三徑來白意之交一庭坐困心之
友乃烹浮雲乃藝沉水荔奴襲盃菊婢簪瓶座傾玉
璫之樽夜盡銅荷之燭時高談而屈衆驚欲口吐或
微言以解紛笑可齒冷不問身後懷鱸魚干季鷹惟
娛目前愛群鷺之逸少散核既盡詩賦旅酬深沉者
若巨源之頭搖斂妙者如子建之口誦歡笑無紀悲
感頓生把酒問天拔劍斫地嗚呼昆吾不稔戾景未

熱倚柱興歎。滯懷漆室之憂。棄績長悲。孰墮監門之泣。豈所謂禍福相及。憂樂馮生安不可倖。而樂不可常也。

伯兄善伯曰。潘陸深藻。王謝風流。而憤志達情。又具莊騷之美。

湯谷賓曰。屬對之工。一讀而見。其用意之妙。必詳於典故。後知之。如前段刻畫。季年朝臣罪狀。以兩口九頭等事。當之真如。吳道子畫地獄變相矣。

原缺

○○林夏叔歸翠微山序

丁亥孟冬之六日林子自章門歸將與李子謝子莫
登乎翠微予坐而遲山之口干時新月初駕乎藤蘿
秋虫懸吟于石艸穉兒狼疾驚看黃犬之聲病友龍
鍾誤揖烏雅之影握手道故濯足登堂樽酌茅柴餅
煎竹籜喜就連眉之坐不須軟脚之錢夫箕踞長嘯
則杯可浮白三斗不辭慷慨悲歌則淚已墮紅千行
○游○幽○之○中○然○作○如○芥○然○屬○
齊下征夫未老何雙鬢之非青戰馬已亾撫寸心而
猶赤嗚呼唐人飲酒動悲耄亾晉士引觴輒痛生死

感秋冬之代序、嘆日月之易行、天地幾何、山川不故、
况人生離合之會、倏若浮雲、悲歡之情、幻如朝露者、
乎、

兄善伯曰、悲壯流漣、却復清幽、緜邈晉之風度、唐
之激昂、此遂兼之、

○ 告玄帝文

維丁亥年十一月十有四日翠微下士魏禧敢齊潔
虔肅敬禱于玄天上帝之前曰禧兄弟三人長際瑞
次禧三禮丙戌辟亂奉父母家於翠微之山大命既
傾新政時及或敢遁隱隨以重刑戮其老幼籍其田
宅是時父子兄弟徬徨無策念潔身違禁則祖宗之
血食可傷貶服遵時則新政之風波不測伯兄際瑞
毅然請行謂審義禮則忠孝有重輕權利害則死生
有命數身居長子責在承祧繇是冒險入城汚身存

祀豈惟二老之饗殮藉茲忠養卽兩弟之身名賴以
苟全拂逆萬端勞苦百至今者土豪不靖群小興戎
斗城有累卵之危介士無全身之策風采未凝鄉里
因而側目疎狂取怨仇讐欲得甘心兼之晝應賓朋
精神疲敝夜戒城堞風露凄寒卽兵火以無災恐疾
病之尋作竊惟老父有志義當休其高情幼弟無能
才不及於應變推子弟服勞之義正吾身供職之時
乃禱反逍遙於山林而兄至重累於患難若後變不
測兄有墜地之憂則此身雖存禱負滔天之罪人謀

既竭神聽是哀念吾兄孝友之積誠憫下士額祈之
一念矜其人禍宥以天災萬一正命莫違大數已定
願捐已祿用損兄憂殯禱筭之兩年益兄壽之一歲
不勝屏營痛切之至

兄善伯曰至情所迫不必論其辭之工拙然迫于
至情者自然流出一段懇惻精神不覺其言之切
而詞之達正非工于文字所能及者

○ 禮斗表

惟神大德好生神功莫測作中天之樞紐式下土於
照臨敢申悔罪之辭謹奉告虔之禮伏惟禱一介青
衿半生黃卷十五有室已合禮於齋眉三十無兒未
承歡于遶膝在昔國家鼎盛尙希三命爲榮至今喪
亂薦臻祇覺百年易盡念有子爲不死思無後之罪
弘此伯云好轉輸行禮萬于非偶九難或爨在天行緣以孽繇自作追惟曩過益切今
憂蓋宅心恒見其頗偏乃舉足輒蹈夫尤悔仗義因
而逞氣至妄動以害仁恣欲生于溺情每邪思而亂

德。自。私。自。利。觸。處。皆。然。見。爲。益。已。而。不。覺。損。人。小。善。小。功。庸。或。有。之。初。非。求。福。而。後。乃。望。報。天。理。不。勝。人。欲。之。橫。從。善。未。若。好。名。之。堅。至。在。庭。幃。尤。多。愆。罪。四。肢。久。情。毫。無。竭。力。之。能。五。常。不。修。濫。乖。養。志。之。義。未。知。克。子。特。念。貽。孫。在。二。人。切。悵。望。之。情。而。一。身。抱。孤。危。之。懼。遷。善。改。過。不。敢。自。棄。于。生。成。惠。吉。逆。凶。用。以。日。厲。其。修。省。蓋。莫。非。命。也。必。大。善。乃。能。回。天。而。雖。有。惡。人。卽。微。誠。亦。可。饗。帝。伏。願。上。帝。廣。好。生。之。德。立。穹。開。悔。過。之。門。降。彼。新。福。追。茲。舊。愆。但。使。錫。以。負。薪。之。

子不至有隕其宗結以孝思尤大用以永慰含飴之心敢云克昌厥後。

溫伯芳日至誠愷惻此呼吸可通之道也中間引咎處尤有陸宣公詔諾遺意是大手筆規模根本孝思與尋常祈求表章又自有別

此癸巳作也往先徵君暨楊一水師艱嗣皆以禮斗後生子三時師問禧日朝元時能起敬心乎子對曰敬則敬矣獨不能起信心耳當俯伏鞠躬之際一心敬神之臨之一心以爲拜祈可以得福當

必无此事也次年遂不與黠夫身不改過修德而
妄祈于天此文本不足錄以其中自訟語頗切當

一故存之

癸卯
自記

○ 錫道帖

蓋聞人情必重報。施主政或已過責傷哉。流俗共相
煽以孔方。哀此鮮民。已不黔其墨矣。我若坐收子母。
彼必立散夫妻。盍請明錫以弘陰騭。

○○賀羅翁六十又一

惟翁時值桂秋歲周花甲如結在魏應登百一之期

似益於元久著十全之事

北魏羅結年百一十為其長秋官元羅天益善醫

視蒙一地心有二天號太子之更生父比扁鵲淳于

公之可使女愧緹縈

余夫婦幼年病殆羅翁起之時呼義父

蓋聞活千

人者後必昌人願益以一歲能有文者為不朽我欲

報以千秋

○ 復蘇平叔

伏讀手教推揚先徵君遺言先人既朽之身光于日月感幸何可言先子生平不好文字思以身礪流俗式訓子孫惟寡過而未皇遂著書之多闕伏承足下顯微闡幽細大成舉昔陸敬輿著忠讜之言得子瞻而愈重陳逸民立高世之行藉文憲以有傳足下以野史通國史之窮友道補子道之缺獎其方來礪所不足使不肖免繁暉之譏先人無李狄之恨皆足下賜也

○○○代從弟祈斗詞

念某生甫十歲身逢百憂慈父見遺不知父書可讀
先祖繼背深痛祖硯難持叔兮伯兮安在哉人見笑
笑王母如兄如弟無有矣出惟耿耿末身竊思男子
最苦莫過孤兒何當喪父而復喪祖女子難堪無如
寡婦豈意亡子重以亡夫在人間大不幸之遭爲吾
家若固有之事而某者生多疾病長益困羸旣屬三
世之人實係一縷之脉祈寒暑雨重憂堂上之心馬
醫夏畦不瞑泉下之目敢俟異日比推恩于希文願

終。來。年。學。陳。情。之。令。伯。

諸子世傑曰哀情動人時與應者聽宜此疏皆云
欲淚不意四六中有此等文字也

○ ○ 賀李道生五十

足下學貴樂天年當知命呂尚父之直釣志匪得魚
范希文之良醫心存濟物結廬在境而無車馬之喧
敞席爲門然多長者之轍百篇得意身已不覺爲貧
斗酒娛賓人竟忘其在客李南城人行匠于寧能詩好客某情同谷
鳥性已山猿嘗懷壺中之人久絕襄陽之足謹獻蕉
扇一柄刻箋一束文筆一牀足下握扇過都應長東
山之價揮毫落紙定多太白之詩

○代祈斗詞

言念某質本散材身同弱草原無詩僻類子美之瘳
生非有文名如休文之多病在父母恒字以豚大而
師友或策其駑駘稍肆手口之微勤輒遺腹心之大
患螢囊未滿先憂跋躄之難雪案甫臨已感苦寒之
氣敢意青雲有路還愁白首無期兼以推筭之家咸
云星辰失序茲者上承慈命敬效朝元是用肅心具
嚴天首

兄善伯日祈神告天宜有恭謹恐懼或悔罪跼蹐

之誠此則意氣輕豪雖曰自歉實似名士得意之

筆

○ 賀沈崑銅五十

先生大業富有盛德日新應名世于半千當大衍之
五十上追尼父以知命前邁伯玉而無非君子萬年
願效黃流之祝故人千里愧無白墮之觴敬將野人
一芹致茲山果二缶

兄善伯日對偶中如黃流白墮孔方墨突碧落白
間等類最爲工妙以其虛字有情也

○○○賀丘先生六十又一

厥維玄月，誕茲黃耆耳。云順矣，得坎之孚，背宜台哉。
師良之止，惟伯父之執，伯兄久在東牀，辱小友之呼。
小子新承西席，敢云儀不及物，既已情見乎辭，月令
宜長久之名，庭花開延壽之客，周而復始，正當源懷。
躍馬之年，始以再周，遂酬章申放鶴之祝，爾耆而艾。
何數絳縣老人我歌，且謹慚無黃絹幼婦。

徐宜振日四六濫觴極矣，整砌繁穉，競做六朝雖
繪藻奪目，而氣冗格卑，味如嚼蠟，冰叔清俊獨標。

工而能逸其引用故實皆雅切不浮却無斧鑿之
痕補綴之迹如羽扇葛巾蕭散自如真騁麗中仙
品也

○ 爲丘而康冠石造屋啟

丘而康先生身竟赤貧心唯素位啜粥不繼飯無孔
聖之疏立錐已窮居乏顏子之陋守道彌篤一介必
嚴安貧無求片言不及雖三旬九食古人良有高風
而八口一椽今世實爲奇事如斗之室牀灶橫陳敞
席爲門風雨直入兄因妹長寄臥城頭翁避媳炊立
餐簷下只此一尋容膝之地便爲三世聚首之居吾
輩自顧晏安心懷怵惕凡在交誼久有同情今欲權
規隙塲再營半室是爲友生弟子量力哀貲于五月

易書子集卷六
內續付中叔收貯至六月中彙交確叅料理嗚呼不
買山隱無取嘉賓之招匪造業錢盡是伯夷之築當
亦有道君子所不辭也乙卯四月禧啟

丘邦士曰四六文字中仍有風俗高樸之味極是
稱題

○ 賀萬令君箋

恭惟明公月當建未時值生申頌德盡含哺之民躋
堂極垂紳之士某澳慚草野莫稱三若之屬遙仰岡
陵願效九如之祝辭雖乏于黃絹物敢比諸素絲謹
獻帝玉曆數一部文陵蒼草一藁端溪石硯一方古
銅花瓶一枚者伏惟黃帝建元歷年四千三百三十
以上赤文具策爲數一萬一千五百有奇而永年惟
硯得靜壽以養生守口如瓶知神氣之不散明公先
人聞道後天長存幸昭鑒其微誠用合符于嘉識

萬好

魏叔子文集

四

卷二十一

賀萬令

十一

養生之術故云